



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1719. usque ad annum 1720

**Fleury, Claude**

**August. Vind. [u.a.], 1782**

**VD18 13322648**

§. 52. Aloysii Priuli Cardinalis extrema.

---

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

Sæc. XVIII. A. C. 1720. cros insuper proventus suos religiose ac prudenter distribuebat, maximam illorum partem in usus Sacros impendens. Erexerat in Sarzanensi Ecclesia Cathedrali suis sumptibus magnificentum prorsus Sacellum, cujus mœnia elegantissimo marmore, optimorumque artificum picturis nitide ac munificentissime exornari curavit, in eoque Innocentii XII. & Clementis XI. marmorea Mausolea, ne beneficiorum ab utroque Pontifice acceptorum memoria aboleretur, affabre exsculpta, & Roma suo ære advecta disposuit. Tandem molestissimo morbo correptus, incelsum adhibitis Medicorum remediis Romæ die decima nona Novembris sacrite munitus, piisque meditationibus defixus vivere desiit, annosque natus septuaginta quinque, tumulatus est in Ecclesia S. Petri ad Vincula. Scripta reliquerat Casonius nonnulla opuscula tanta eruditione referta, ut prælo dignissima ab omnibus censeantur.

## §. LII.

*Aloysii Priuli Cardinalis extrema.*

Casonii Cardinalis obitum præcesserat funesta mors Aloysii Priuli patriæ Veneti. Hic ex optimis ac Patriciis Genitoribus, in lucem editus quam

quam maturrime scientiis illis, quibus Sæc. XVIII.  
 puerilis ætas ad humaniora efforma- A. C. 1720.  
 tur, imbutus, Clericale institutum am-  
 plecti decrevit. In id ergo more &  
 vitam instituens, Philosophicis, aliis-  
 que ad firmiter ætatis robur reservatis  
 disciplinis operam navavit: Paulopost  
 pinquibus Abbatiis S. Zeni & S. Eu-  
 phemiæ ditatus, fundamentis adeo  
 dextre positus, ad Theologiam & Ju-  
 risprudentiam sese applicuit, & Docto-  
 ratus Laurea honoratus, a Veneto  
 Senatu inter quatuor cives Pontifici  
 nominandos recensitus est, quos inter  
 solus a Pontifice Rotæ Romanæ Au-  
 ditor feligebatur: Tum vero ad meri-  
 torum incrementa, & amplioris digni-  
 tatis spem sibi aditum aperiebat, for-  
 tunæ tamen invidia factum, ut quam-  
 vis diu, maximaque cum laude diffi-  
 cili hoc Magistratu functus esset, ac  
 speciale existimationis pretium tulisset,  
 nihilominus promeritum Romanæ Pur-  
 puræ præmium ab aliis Præsulibus  
 ætate meritisque inferioribus imo ab  
 ipso suo Nepote Petro Priulo viginti  
 annis minore sibi præripi miraretur,  
 quin tamen inde turbatus, æmulationi  
 aut invidiæ locum daret: Tandem vero  
 ipsa meritorum copia Senatum Vene-  
 tum stimulante, Aloysius cum jam se-  
 xagesimum secundum ætatis annum

U u 5 exple-

Sæc. XVIII. expleffet, sacro Purpuratorum Collegio adscriptus, ac quinque Congregationibus accensus est, in quibus officiis singularem prudentiam, indefessum laborem, raramque morum integritatem exhibuit, temporum subsessiva non otio trivit, aut inertia, sed in Ecclesiæ utilitatem impendit, & sicut omnem ætatem in literis duxit, ita senectutem haustamque eruditionem Sedis Apostolicæ obsequio sacravit. Eodem autem hoc anno, quo sacri Collegii Camerarius nominabatur, die decima tertia Martii septuagenarius Romæ decessit, sepultus in Ecclesia S. Marci prope tumulum Avunculi sui Cardinalis Petri Basadonæ, cui Alseus dignitate ac virtute haud impar erat.

## §. LIII.

*Inanes conatus de concilianda Lutheri  
& Calvinii secta.*

*Dieff. dissert. Hist. Iren. pag. 78.* Vix Lutherus obstetricante invidia atque arrogantia suam sectam in lucem produxerat, cum illico horrendæ dissensionum hydræ & multiplicium sectarum monstra universam inficerent Germaniam; Carolostadius enim, qui Luthero haud inferiore dogmata nova condendi, & antiqua eliminandi auctoritate